

EST TEMPUS

... chi tue iscas cantu
 sos pes mios t'ana attraessadu
 intr' 'e unu caragolu 'e chercos
 risulanos. Dogni cosa 'ida
 mi ch'at leadu pius addainanti
 'e su ischire, e s'andare
 lebiu 'e sa currente
 m'at battidu unu fogu
 nàschidu dae su sonniu 'e s'asseliu:
 ai custu tempus,
 'ue sos seros serrados
 dae su fue fue
 (a cominzare s'amentu)
 pasculan iscurrizende
 subra sos brazzos alluttos de sa luna.
 A inghiriu 'e custas peraulas
 sos poddighes lassan andare
 cosas chi s'ischin,
 e finas cosas chi no sunu,
 ma su tempus rèstada
 in sas manos arrughidas
 e i su semene s'est abbertu
 essendeche dae sos chelos
 piuerosos de su passadu.
 Est custu su giogu chi isetto:
 sa foza chi che ruet
 subr' 'e una poesia
 de fraziles rejonas,
 da' 'ue nde irat
 in su mamentu
 chi unu sinnu 'e vida
 la estit de un'inniju 'e gala.

E' ORA

*...che tu sappia quanto / il mio corpo ti ha attraversato / dentro una spirale di
 querce / che sorridono. Le cose che ho visto / mi hanno portato più in là / del
 sapere, e l'andare / lento delle correnti mi ha portato un fuoco / nato da un
 sogno d'orizzonte: / a questo tempo, / dove le sere chiuse nelle fughe / (per
 iniziare i ricordi) / pascolano galoppando / tra le braccia accese della luna. /
 Attraverso queste parole / le mani si protendono / verso cose risapute, / o
 anche verso cose che non sono, / ma il tempo è rimasto / tra le dita rauche /
 e i semi si sono aperti / venendo fuori dalle ragnatele / polverose del passato.
 / E' questo il gioco che attendo: / la foglia che ricade / su di una poesia / di
 fragili ragioni, / da dove trabocca / nell' istante / in cui un profilo di vita / la
 veste di un sussurro d'estetica.*